

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINSKI SUD U ZENICI
Broj: 43 0 St 262495 25 St
Zenica, 30.01.2026. godine

OPĆINSKI SUD U ZENICI, stečajni sudija Amra Brkić, u stečajnom postupku nad stečajnim dužnikom "Eltig" d.o.o. Tešanj, Društvo za građevinarstvo, elektroinstalacione radove, transport i trgovinu, odlučujući o prijedlogu za provođenje stečajnog postupka nad imovinom navedenog privrednog društva, nakon ročišta za ispitivanje uvjeta za otvaranje stečajnog postupka održanog dana 29.01.2026. godine, u pristustvu punomoćnika predlagatelja Harisa Vehaba, advokata iz Tešnja, privremenog stečajnog upravnika Amerise Saletović, dana 30.01.2026. godine, donio je sljedeće:

RJEŠENJE

OTVARA SE STEČAJNI POSTUPAK nad pravnim licem "Eltig" d.o.o. Tešanj, sa sjedištem Titova bb, matični broj subjekta upisa: 1-9420, dana 30.01.2025. godine u 12,00 sati.

Za stečajnog upravitelja, sa liste stečajnih upravitelja, se imenuje Karabegović Merima iz Jelaha.

Pozivaju se povjeritelji da u roku od 30 dana prijave svoja potraživanja, koja imaju prema stečajnom dužniku podnošenjem prijave Općinskom sudu Zenica na broj: 43 0 St 262495 25 St, uz uplatu sudske takse u iznosu od 1% od vrijednosti potraživanja, ali ne manje od 50,00 KM niti više od 10.000,00 KM na račun budžeta ZE-DO kantona broj: 134-010-0000001672, vrsta prihoda 722221, budžetska organizacija 1606001, općina 103.

Podnositelji prijave uz prijavu trebaju navesti svoju firmu, sjedište, boravište, pravni osnov i iznos potraživanja, kao i broj svog žiro računa.

Pozivaju se povjeritelji da stečajnog upravnika u roku od 30 dana obavijeste koja prava osiguranja potražuju na predmetima i imovini stečajnog dužnika, navođenjem predmeta nad kojim se potražuje pravo osiguranja, vrstu i razlog nastanka prava osiguranja, kao i osigurano potraživanje.

Pozivaju se dužnici stečajnog dužnika da svoje obaveze bez odlaganja izmire.

Ispitno i izvještajno ročište u ovom postupku zakazuje se za dan 30.03.2026. godine u 09:00 sati, u zgradi Općinskog suda Zenica, te se na isto pozivaju povjerioci stečajnog dužnika koji podnesu prijavu potraživanja, kao i stečajni upravitelj

Obrazloženje

Dana 01.07.2025. godine z.z. Eltig doo Tešanj je podnio je prijedlog za otvaranje stečajnog postupka.

Rješenjem ovog suda od 06.11.2025. godine, pokrenut je prethodni postupak radi utvrđivanja uslova za otvaranje stečajnog postupka na imovinom stečajnog dužnika "Eltig" d.o.o. Tešanj, Društvo za građevinarstvo, elektroinstalacione radove, transport i trgovinu.

Na ročištu za ispitivanje uvjeta za otvaranje stečajnog postupka, održanom dana 29.01.2026 godine, privremeni stečajni upravnik je ostao kod podnesenog Izvještaja od 05.01.2026. godine. Privremeni stečajni upravnik je navela da poslovna dokumentacija prema novodima direktora "Eltig" do.o. Tešanj je kod Senada Ibrahimkadića koji je prije vodio poslovne knjige privrednom društvu i zbog neizmirenih obaveza i neraščišćenih odnosa sa direktorom, odnosno osnivačem, te poslovna dokumentacija nikada nije vraćena. Privredno društvo od tog dana nema zaposlenog radnika niti angažovan knjigovodstveni servis da mu vodi poslovne knjige, što dalje znači da se obaveze i dugovanje ne mogu utvrditi. Kako poslovne knjige nisu vodene od 2018. godine, prema navodima direktora od tada nisu sačinjavani godišnji obračuni te je samo radi potrebe ovog postupak sačinjen obračun za period od 01.01.2025. godine do 31.05.2025. godine. Stalna sredstva koje posjeduje privredno društvo nije bilo moguće utvrditi, zbog nepostojanja poslovne dokumentacije. "Eltig" d.o.o. Tešanj ima otvorena četiri računa u UNICREDIT BANK d.d. račun broj 338550225659858, blokiran je od 26.05.2016. godine, NLB Banka d.d. Sarajevo račun broj 132003020055093, blokiran 04.01.2017.godine, Bosna Bank Internatonal d.d. Sarajevo račun broj 1412010004693313, blokiran 30.12.2016. godine i Raiffeisen bank d.d. Sarajevo, račun. broj 1610550025570008, blokiran je od 03.09.2013. godine. U radnom odnosu "Eltig" d.o.o. Tešanj nema ni jednog radnika u radnom odnosu.

Prema dopisu Porezne uprave Federacije BiH, broj: 13-4/4-12-5-3-5905/25 AM od 05.12.2025. "Ehig" d.o.o. Tešanj ima duga po osnovu rješenja o pokretanju prinudne naplate u iznosu od 152.691,16KM, a koji je jedini iznos i prikazan u bilansu stanja. "Eltig" do.o. Tešanj ima nekretninu u svom vlasništvu, prema podacima dobivenim od Općina Tešanj, broj: 06-26-7-6324/25-2 od 19.1.2025. godine, i to katastarska opština Markotići, površine 4905m², upisane u posjedovni list 775, koju je direktor prodao Slihu Šišić iz Tešnja, za iznos od 20.000,00KM do sačinjavanja izvještaja nisam dobila ugovor o kupoprodaji, a direktor je rekao da ga traži od notara pa kad isti pribavi da će dostaviti. Nekretnina upisana u pl 775 nije upisana u zemljišne knjige i Općinski sud u Tešnji je izdao Uvjerjenje, broj: 039-0-RZ-25-002 717 od 19.11.2025. godine da "Eltig" d.o.o. Tešanj nema nekretnine upisane u svom vlasništvu ili suvlasništvu kod ovog ureda. Privredno društvo nema registrovanih vozila prema dopisu Ministarstva unutrašnjih poslova, broj akta 08-01-02/11-03-7-5884/25 od 08.12.2025.godine. U toku sačinjavanja izvještaja direktor je dostavio Potvrdu o vlasništvu vozila BA 0816275, N1-teretno vozilo, CITROEN JUMPER, broj šasije VF7233G4215734584, Potvrdu o vlasništvu vozila BA 0816040, N2-teretno vozilo, MERCEDES BENZ, broj šasije WDB670502K073715, koja nisu registrovana i nalaze se kod direktora. Stečajni postupak nije pokrenut u roku od 60 dana od dana nastupanja platežne nesposobnosti. Stečajni dužnik ima dovoljno imovine da pokrije troškove stečajnog postupka, ima dva motorna vozila i nekretninu koja je vlasništvu privrednog društva, jer je istom raspolagalo kada društvo nije bilo likvidno, "Eltig" d.o.o. Tešanj ne može nastaviti poslovanje jer isti ne obavlja registrovanu poslovnu aktivnost od 2018. godine. Postoji stečajni razlog za otvaranje stečajnog postupka iz razloga platežne nesposobnosti stečajnog dužnika i to u neprekidnom trajanju dužem od 60 dana, svoje dospjele novčane obaveze neizmire. Otvaranje stečajnog postupka stečajnog dužnika koji je podnesen od ovlaštenog lica od strane direktora nije podnesen u roku od 60 dana od dana platežne nesposobnosti. U skladu sa navedenim mišljenja sam da je prijedlog dopušten i osnovan i da su se stekli zakonski

uslovi za otvaranja stečajnog postupka nad pravnim licem „Elting“ d.o.o. Tešanj definisanim članom 6. Zakona o stečaju.

Cijeneći sve naprijed navedeno sud je ovim rješenjem odredio dan i čas otvaranja postupka, imenovao stečajnog upravnika koji ispunjava uvjete iz odredbe člana 71. stav 2., člana 73, a u vezi sa odredbom čl. 76 Zakona o stečajnom postupku, te pozvao povjerioce stečajnog dužnika da prijave potraživanja i povjerioce sa pravom osiguranja da obavijeste stečajnog upravnika o svom pravu, te dužnike stečajnog dužnika da bez odlaganja izmire svoja potraživanja, te je odredio i dan i čas za koji je zakazano ispitno i izveštajno ročište, sve u skladu sa odredbama Zakona o stečaju.

Pouka o pravnom lijeku:

Protiv ovog rješenja stečajni dužnik može uložiti žalbu Kantonalnom sudu u Zenici, u roku od 8 dana od dana prijema rješenja, a putem ovog suda.

*Stečajni sudija
Amra Brkić, s.r.*